



Universitätsbibliothek Paderborn

S. Avrel. Avgvstini Confessionvm Libri X

Augustinus, Aurelius

Coloniae, 1646

Cap. XVII. Se gradatim à corporibus ad animam sentientem, inde ad sensum internum, ab hoc ad potentiam ratiocinantem & intelligentiam, ac demum ad cognitionem divinitatis, aliqua tenus attigisse.

urn:nbn:de:hbz:466:1-10120

stitia, qui requirit, ut peccatoribus pœna inferatur. Ordo item universi requirit, quod quadam sint, quæ deficere possint, & interdum deficiant. Et sic Deus causando bonum ordinis universi, ex consequenti, & quasi per accidens causat corruptiones rerum, ut docet S. Thomas l. c. ex mente S. Augustini lib. cc. Qui agnoscit tandem malum culpæ, non aliunde irrepsisse in universum, quam ex mala voluntate; reliqua vero quæ putantur mala, aut non esse mala, aut aliarum rerum generationes. Atque hic Septimus & postremus est gradus S. D. quo ad veritatis Catholica culmen concendit.

V S V S.

1. Conemur Deo esse similes per gratiam & caritatem, ut apti simus superioribus partibus universi, id est celo; & caveamus, ne per dissimilitudinem peccati, apti fiamus ei parti terra, quæ mala est & pessima, nempe inferno.
2. Sicut Deus cuncta quæ fecit, videntur esse valde bona, ita nos utamur omnibus creaturis tanquam bonis, & idoneis ad prosecutionem finis nostri ultimi, qui est Deus.

C A P. XVII.

Se gradatim à corporibus ad animam sentientem, inde ad sensum internum, ab hoc ad potentiam ratiocinantem & intelligentiam, ac demum ad cognitionem divinitatis, aliquatenus attigisse.

1. a E T mirabar, quod jam te amabam, non pro te phantasma. Et non stabam frui Deo meo, sed rapiebar ad te decorum tuo, moxque diripiebar abs te pondere meo, & ruebam in ista cum gemitu: & pondus hoc, consuetudo carnalis. Sed mecum erat memoria tui; neque ullo modo dubitabam esse, cui cohæcerem, sed nondum esse

Sap. 9, 15. esse me, qui cohærerem : quoniam *corpus*,
quod corruptitur, *aggravat animam*, & deprimit
terrena inhabitatio, *sensum multa cogitantem*. Eram-
Nom. 10,
20. que certissimus, quod *invisibilia tua à constitu-*
tione mundi, per ea *qua facta sunt*, intellecta conspi-
cuntur : *sempiterna quoque virtus & divinitas*
tua.

2. Quærens enim unde approbarem pul-
chritudinem corporum, sive cœlestium, sive
terrestrium : & quid mihi præsto esset inte-
græ de mutabilibus judicanti & dicenti, hoc
ita esse debet, illud non ita. Hoc ergo quæ-
rens, unde judicarem, cum ita judicarem,
inveneram b incommutabilem & veram ve-
ritatis æternitatem, supra mentem meam
commutabilem. Atque ita gradatim à cor-
poribus ad sentientem per corpus animam:
atque inde ad ejus interiorem vim, cui sen-
sus corporis exteriora nunciaret, quoisque
possunt bestiæ. Atque inde rursus ad ratio-
cinantem potentiam, ad quam refertur ad
judicandum, quod sumitur à sensibus cor-
poris.

3. Quæ se quoque in me comperiens mu-
tabilem, c erexit se ad intelligentiam suam,
& abduxit cogitationem à consuetudine,
subtrahens se à contradicentibus turbis
phantasmatum, ut inveniret, quo lumine
aspergeretur: cum sine ulla dubitatione cla-
maret, incommutabile præferendum esse
mutabili, unde nosset ipsum incommuta-
bile. Quod nisi aliquo modo nosset, nullo
modo illud mutabili certo præponeret : ut
perveniret ad id quod est d in iictu trepidan-
tis aspectus. Tum vero *invisibilia tua*, per ea,
qua facta sunt, intellecta conspexi, sed aciem figere
non

non valui : & repercutta infirmitate redditus solitis, non mecum ferebam nisi amantem memoriam, & quasi olfacta desiderantem, quæ comedere nondum possem.

N O T A E.

- a Et mirabar, quod jam te amabam, &c.) Repetit, qua ratione ad cognitionem Dei assurrexerit per quosdam veluti gradus.
- b Incommutabilem, & veram veritatis eternitatem) Iudicat enim anima secundum priam veritatem de omnibus : in quantum per participationem divini lumenis omnia cognoscit & dijudicat : sicut omnia sensibilia videamus & judicamus in sole, ut ait S. Th. a. 11. ad 3. et si ipsum solem non videamus. Quare recte supra dixit S. D. neminem præter Deum esse Doctorem veri, ubique & undecunque claruerit, q. d. solum lumen solis reddere res omnes aspectabiles ; sic Deus solus luminis sui sigillatione intellectum nostrum illustrat ad percipiendum verum, juxta illud Psalmi 4. Signatum est super nos lumen vultus tui Domine, teste S. Th.
- c Erexit se ad intelligentiam suam) appellat S. D. intellectum intelligentiam, in quantum cognoscit prima principia : & ea, quæ solum sunt intelligibilia, quæ resultant ex prima veritate in anima, sicut in speculo, ut ait S. Th.
- d In istu trepidantis aspectus) Cum aliquid vehementer lucidum, verbi gratia, Solem aspiciamus, oculi in eo splendore hætrere non possunt, sed ubi unico istu debilem aciem figere tentarunt, mox reverberantur. Idem expertus est S. D. dum supra sensum, rationem & intellectum, se attollens, illud lumen quæsivit, quo illustratus intellexit, incommutabile præferendum esse commutabili. Quid autem, & quantum illud incommutabile lumen esset, non magis assequi valuit, quam nos splendorem Solis intueri.

V S V S.

Mirum est, quomodo consuetudo carnalis, animum conantem assurgere ad contemplationem Dei, mox pondere suo diripiatur, & retrahatur ad solitas nugas.

nugas. Qua in miseria consultissimum est cum S. D. vilitatem suam agnoscere, & se indignum quidem aestimare rerum divinarum meditatione : nihilominus tamen retinere amantem memoriam, & mentem quasi olfacta cum gemitu desiderantem, quo pacto mendicus ante fores divitis, ubi nidorem epularum percepit, cum suspirio eas delicias olfacit, ad quas fortuna sua & vilitas eum non admittit.

C A P. XVIII.

Viam ad fruendum Deo, Christum se nobis præbuisse, per humilitatis magisterium.

I. E T quærebam viam comparandi roboris, quod esset idoneum ad fruendum te : nec inveniebam, donec amplecte-

II Tim. 2. 5. rer mediatorem Dei & hominum, hominem Christum

Rom. 9. 5. Iesum, qui est super omnia Deus benedictus in secula,

Ioan. 14. 6. la, vocantem & dicentem : Ego sum via, veritas, & vita.

Et cibum, cui capiendo invalidus eram, a miscentem se carni ; quoniam verbum caro factum est, ut infantæ nostræ lactesceret sapientia tua, per quam creaisti omnia.

Ioan. 1. 14. Non enim tenebam dominum meum Iesum Christum humili humilem : nec cuius rei magistra esset ejus infirmitas, novitatem.

Verbum enim tuum æterna veritas, superioribus creaturæ tuæ partibus supereminens, subditos erigit ad seipsum. In inferioribus autem ædificavit sibi humilem domum de limo nostro, per quam subdendos deprimeret à seipsis, & ad se trajiceret, sanans tumorem, & nutriendis amorem. Ne fiducia sui progrederentur longius, sed potius infirmarentur, videntes ante pedes suos infirmam divinitatem, ex participatione tu-

nicæ